



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԲԱՐՁՐ ՏԵԽՆՈԼՈԳԻԱԿԱՆ  
ԱՐԴՅՈՒՆԱԲԵՐՈՒԹՅԱՆ ՆԱԽԱՐԱՐ**

**Հ Ր Ա Մ Ա Ն**

« 14 » փետրվարի 2025 թվական  
ք. Երևան

N 310 - Ա

**11007 «ՇՈՒԿԱՆԵՐԻ ԶԱՐԳԱՑՈՒՄ ԵՎ ՄԻՋԱԶԳԱՅԻՆ ՀԱՄԱԳՈՐԾԱԿՑՈՒԹՅՈՒՆ»  
ՄԻՋՈՑԱՌՄԱՆ ԾՐԱԳԻՐԸ ՀԱՍՏԱՏԵԼՈՒ ՄԱՍԻՆ**

Ղեկավարվելով Հայաստանի Հանրապետության կառավարության 2024 թվականի դեկտեմբերի 27-ի N 2060-Ն որոշման 13-րդ կետի «բ» ենթակետով

**Հ Ր Ա Մ Ա Յ ՈՒ Մ Ե Մ՝**

1. Հաստատել 2025 թվականի 11007 «Շուկաների զարգացում և միջազգային համագործակցություն» միջոցառման ծրագիրն ու 2025 թվականի 11007 «Շուկաների զարգացում և միջազգային համագործակցություն» միջոցառման ծրագրի գնահատման ոչ ֆինանսական ցուցանիշները և բյուջետային հատկացումները՝ համաձայն հավելված N1-ի և N2-ի:

2. Սույն հրամանի կատարման նկատմամբ հսկողությունը վերապահել Հայաստանի Հանրապետության բարձր տեխնոլոգիական արդյունաբերության նախարարի տեղակալ Ռուբեն Սիմոնյանին:

2/14/2025

X

ՄԽԻԹԱՐ ՀԱՅՐԱՊԵՏՅԱՆ

Signed by: HAYRAPETYAN MKHITAR | 2505901047



**ՄԽԻԹԱՐ ՀԱՅՐԱՊԵՏՅԱՆ**

## ԾՐԱԳԻՐ

### 11007 «ՇՈՒԿԱՆԵՐԻ ԶԱՐԳԱՑՈՒՄ ԵՎ ՄԻՋԱԶԳԱՅԻՆ ՀԱՄԱԳՈՐԾԱԿՑՈՒԹՅՈՒՆ» ՄԻՋՈՑԱՌՄԱՆ 2025 ԹՎԱԿԱՆԻ

#### I. ՄԻՋԱԶԳԱՅԻՆ ՑՈՒՑԱՀԱՆԴԵՍՆԵՐԻՆ ՀԱՅԿԱԿԱՆ ԿԱԶՄԱԿԵՐՊՈՒԹՅՈՒՆՆԵՐԻ՝ ՄԻԱՍՆԱԿԱՆ ՏԱՂԱՎԱՐՈՎ ՄԱՍՆԱԿՑՈՒԹՅԱՆ ԱԶԱԿՑՈՒՄ

1. 11007 «Շուկաների զարգացում և միջազգային համագործակցություն» միջոցառման շրջանակներում ՀՀ բարձր տեխնոլոգիական արդյունաբերության նախարարության (այսուհետ՝ Նախարարություն) կողմից ընտրվում են ոլորտային միջազգային հեղինակավոր ցուցահանդեսներ և աջակցություն է ցուցաբերվում հայկական ոլորտային կազմակերպություններին և միություններին դրանցում ներկայանալու համար:

2. Միջազգային ցուցահանդեսներին հայկական կազմակերպությունների՝ միասնական տաղավարով մասնակցության աջակցությունը պայմանավորված է նախ և առաջ հայկական ապրանքանիշերի, կազմակերպությունների ճանաչվածության և ներկայացվածության խնդրով:

3. Ցուցահանդեսներին մասնակցությունն առավելապես նպաստում է կազմակերպությունների՝

1) միջազգային շուկաները հետազոտելուն և առաջարկվող ապրանքներն ու ծառայություններն ավելի մրցունակ դարձնելուն,

2) նոր միջազգային գործընկերների (ներառյալ՝ մատակարարներ և ներդրողներ) հետ համագործակցություն հաստատելուն,

3) նոր շուկաներ մուտք գործելուն,

4) վաճառքների ավելացմանը և կազմակերպությունների զարգացմանը:

4. Նախարարությունն ապահովում է ցուցահանդեսի կազմակերպչից միասնական տաղավարի տարածքի վարձակալության, տաղավարի դիզայնի նախագծման, կառուցապատման և ցուցահանդեսային տարածք մուտքի ապահովման աշխատանքների իրականացումը, եթե այլ բան նախատեսված չէ սույն հավելվածի 10-րդ կետի համաձայն կողմերի միջև կնքվող պայմանագրով:

5.Ցուցահանդեսներին մասնակցության արդյունքները մշտադիտարկվում են Նախարարության Շուկայի զարգացման վարչության կողմից ցուցահանդեսին հաջորդող 2 (երկու) տարվա ընթացքում: Ցուցահանդեսի ավարտից հետո՝ 2 տարվա ընթացքում, Նախարարությունը մասնակից և այցելուի կարգավիճակով կազմակերպություններից հավաքագրում և ամփոփում է հաշվետվություններ՝ Ցուցահանդեսին մասնակցության արդյունքում կնքված պայմանագրերի (ներառյալ՝ արժեքը) և ձեռք բերված պայմանավորվածությունների, դրանց ընթացքի ու իրագործման արդյունքների վերաբերյալ:

6.Մասնակից կազմակերպությունների ընտրությունն իրականացվում է ՀՀ բարձր տեխնոլոգիական արդյունաբերության նախարարի (այսուհետ՝ Նախարար) 2021 թվականի մարտի 16-ի թիվ 218-Ա հրամանով՝ գնահատող հանձնաժողովի գնահատման արդյունքներով:

7.Յուրաքանչյուր միջոցառման շրջանակում Նախարարի հրամանով ստեղծվում է գնահատող հանձնաժողով (այսուհետ՝ Հանձնաժողով)՝ կազմված Նախարարության ներկայացուցիչներից (կարող են ընդգրկվել նաև համապատասխան ոլորտային միությունների, մասնագիտացված կազմակերպությունների կողմից ներկայացված թեկնածուներ՝ համաձայնությամբ): Հանձնաժողովը գնահատում է մասնակցության հայտ ներկայացրած կազմակերպություններին և իրականացնում ընտրություն հայտատուների միջև:

8.Յուրաքանչյուր ցուցահանդեսի համար, ըստ անհրաժեշտության, կարող են մշակվել ընտրության առանձին չափանիշներ: Ցուցահանդեսին մասնակցելու համար նախատեսված սահմանված թվին համապատասխան առավել բարձր միավորներ ստացած կազմակերպությունները համարվում են սահմանված չափանիշներին բավարարող:

9.Ցուցահանդեսին մասնակցելու համար սահմանված չափանիշներին բավարարող կազմակերպությունների վերաբերյալ եզրակացությունը հաստատվում է Հանձնաժողովի նիստին ներկա անդամների ընդհանուր թվի ձայների մեծամասնությամբ և կցվում արձանագրությանը: Նիստի արձանագրությունն ու Հանձնաժողովի որոշումները ստորագրվելուց հետո ներկայացվում են Նախարարի հաստատմանը:

10.Ընտրված կազմակերպությունների հետ Նախարարությունը կնքում է «Միջազգային ցուցահանդեսում հայկական միասնական տաղավարում ներկայացվող կազմակերպությունների մասնակցության մասին» պայմանագիր:

11.Ընտրված կազմակերպությունների՝ նախապես սահմանված թվով ներկայացուցիչներին կազմակերպության արտադրանքն ու ծառայությունները ներկայացնելու համար տրամադրվում են միջոցառման մուտքի տոմսեր (բեյջեր) և առանձնացված տարածք միասնական տաղավարում, եթե

այլ բան նախատեսված չէ սույն հավելվածի 10-րդ կետի համաձայն կողմերի միջև կնքվող պայմանագրով:

12.Միջոցառման 2025 թվականի ֆինանսական միջոցների պլանային բաշխվածությունը ներկայացված է ստորև.

Ը/Ը	Միջոցառման անվանում	Անցկացման վայր	Անցկացման ժամանակահատված	Նախատեսվող բյուջե ՀՀ դրամ
1	IDEX 2025	Աբու Դաբի, Արաբական Միացյալ Էմիրություններ	17-21 փետրվար 2025	45,000,000
2	MWC Barcelona 2025	Բարսելոնա, Իսպանիայի Թագավորություն	03-06 մարտ 2025	38,000,000
3	DEFEA 2025	Աթենք, Հունաստան	06-08 մայիս 2025	80,000,000
4	Viva Technology 2025	Փարիզ, Ֆրանսիայի Հանրապետություն	11-14 հունիս 2025	30,000,000
5	GITEX Global 2025	Դուբայ, Արաբական Միացյալ Էմիրություններ	13-17 հոկտեմբեր 2025	40,000,000
6	Digitec 2025	Երևան, Հայաստանի Հանրապետություն	հոկտեմբեր 2025	25,000,000
7	LEAP 2026	Ռիյադ, Սաուդյան Արաբիա	2026	73,456,000
8	MWC Barcelona 2026	Բարսելոնա, Իսպանիայի Թագավորություն		
9	GITEX Europe 2026	Բեռլին, Գերմանիայի Դաշնային Հանրապետություն		
10	Viva Technology 2026	Փարիզ, Ֆրանսիայի Հանրապետություն		
11	DefExpo India 2026	Գանդինագա, Հնդկաստան		
12	Eurosatory 2026	Փարիզ, Ֆրանսիայի Հանրապետություն		
13	IDEX 2027	Աբու Դաբի, Արաբական Միացյալ Էմիրություններ	2027	
14	Այլ պաշտպանական 2027	-		
15	Այլ ծախսեր			11,500,000
	<b>ԸՆԴԱՄԵՆԸ</b>			<b>342,956,000</b>

## II. ՀԱՅԿԱԿԱՆ ԿԱԶՄԱԿԵՐՊՈՒԹՅՈՒՆՆԵՐԻ ՀԵՏ ՀԱՄԱՏԵՂ ՄԻԶԱԶԳԱՅԻՆ ԵՎ ԵՐԿԿՈՂՄ ԲԻԶՆԵՍ ՖՈՐՈՒՄՆԵՐԻ ԿԱԶՄԱԿԵՐՊՉԱԿԱՆ ԱՇԽԱՏԱՆՔՆԵՐԻ ԻՐԱԳՈՐԾՈՒՄ

13.Բարձր տեխնոլոգիական արդյունաբերության ոլորտի կազմակերպությունների զարգացման խթանման մեկ այլ միջոցառում է գործարար ֆորումների կազմակերպումը:

Միջոցառման շրջանակում նպատակադրվում է հանդիպում-քննարկումներ կազմակերպել հայկական և օտարերկրյա կազմակերպությունների միջև՝ նպատակ ունենալով.

1) հայկական կազմակերպություններին ծանոթացնել ոլորտի միջազգային զարգացման միտումներին,

2) վերհանել համագործակցության հնարավորությունները և նպաստել դրանց ձևավորմանն ու զարգացմանը:

14.2025 թվականի ընթացքում ծրագրվում է կազմակերպել 3 գործարար ֆորում՝ նախատեսելով 2,000,000 ՀՀ դրամ:

**11007 «ՇՈՒԿԱՆԵՐԻ ԶԱՐԳԱՑՈՒՄ ԵՎ ՄԻՋԱԶԳԱՅԻՆ ՀԱՄԱԳՈՐԾԱԿՑՈՒԹՅՈՒՆ»  
ՄԻՋՈՑԱՌՄԱՆ 2025 ԹՎԱԿԱՆԻ ԾՐԱԳՐԻ ԳՆԱՀԱՏՄԱՆ ՈՉ ՖԻՆԱՆՍԱԿԱՆ  
ՑՈՒՑԱՆԻՇՆԵՐԸ ԵՎ ԲՅՈՒՋԵՏԱՅԻՆ ՀԱՏԿԱՑՈՒՄՆԵՐԸ**

1.11007 «Շուկաների զարգացում և միջազգային համագործակցություն» միջոցառման 2025 թվականի ծրագրի իրականացման համար ՀՀ պետական բյուջեով նախատեսված է 344,956,000 ՀՀ դրամ:

2.Ծրագրի գնահատման ոչ ֆինանսական ցուցանիշները թվարկված են ստորև.

<b>ՑՈՒՑԱՆԻՇ</b>	<b>ՄՊԱՍՎՈՂ ԱՐԴՅՈՒՆՔ</b>
Միջազգային ցուցահանդեսներին (այդ թվում՝ Հայաստանում) մասնակցություն «Հայաստան» տաղավարով, հատ	6
Հայաստանում կազմակերպվող ֆորումների քանակը, հատ	3
Միջազգային ցուցահանդեսներին մասնակցության, ֆորումների կազմակերպման արդյունքում կնքվող պայմանագրերի քանակը, հատ	առնվազն 7
Հաջորդ տարիներին անցկացվելիք միջազգային ցուցահանդեսների քանակը, որոնց համար հատկացվելու է մասնակցության կանխավճար, հատ	առնվազն 3